



UNIVERSITÄTS-  
BIBLIOTHEK  
PADERBORN

## **Concilia Provincialia Mediolanensis Sex**

**Borromeo, Carlo**

**Venetiis, 1602**

Bulla Fœl. Re. Pij Papæ Quarti, qua multæ Indulgentie[a], & priuilegia  
conceduntur Sodalitati Nominis Dei.

---

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

Non obstantibus constitutionibus, & ordinationibus Apostolicis, a quibusuis priuilegijs, indultis, & litteris etiam Apostolicis, seu etiam Regijs, uel Imperialibus eisdem Iudejs, uel infidelibus quomodolibet concessis, quæ quatenus in detrimentum catholicæ fidei; aut nominis Christiani, seu aliquorum ex præmissis quomodolibet uergerent, ad effectum præsentium cassamus, & irritamus, ac cassa, & irrita decernimus, alijs decretis, & constitutionibus Apostolicis, quæ super præmissis sunt condita in suo robore duraturis. Et ut huiusmodi sanctæ constitutionis ingens memoria habeatur, & ne quiquam ipsius ignorantiam prætere possit, illa per singulas cathedrales, & collegiatas ecclesias, aliaque pia loca, in quibus uerborum erit fidelium concursus semel in anno ad minus infra diuina, publicari uolumus, & decernimus. Et quia difficile foret præsentibus ad singula quæque loca deferri, uolumus & etiam declaramus, quod earundem præsentium transumptis, seu copijs etiam impressis, & manu alicuius notarij publici subscriptis, ac sigillo alicuius prælati munitis, eadem prorsus fides adhiberetur ubique si forent exhibitæ, uel ostensæ. Dat. Romæ apud sanctum Petrum sub annulo Piscatoris die xx. Martij, millesimo quingentesimo quadragesimo secundo, Pontificatus nostri anno octauo.

Bulla Fœl. Re. Pij Papæ Quarti, qua multæ Indulgentiæ,  
& priuilegia conceduntur Sodalitati  
Nominis Dei.



**I**VS Episcopus Seruus Seruorum Dei uniuersis Christi fidelibus, præsentibus literas inspecturis, salutem, & Apostolicam benedictionem. Saluatoris, & Apostolicam benedictionem. Saluatoris, & Domini nostri Iesu Christi Dei Patris Unigeniti, qui pro redemptione generis humani de summo Cælorum folio ad huius mundi infima descendere, & carnem nostram ex utero uirgineo assumere, ac post peractum ad nostram instructionem huius uitæ cursum, in ara Crucis pretium exoluere dignatus est, uices licet immeriti gerentes in terris, gregemque Dominicum nostræ curæ diuinitas commissum ad uitam lucis æternæ perducere cupientes, iuxta creditum nobis Apostolicæ seruitutis officium, fideles cunctos quorum merita pro demeritis penitus sunt imparia ad mala euitanda, veraque & solida bona amplexanda, ac altissimi uiam ingrediendum, spiritualibus muneribus, Indulgentijs uidelicet, & peccatorum remissionibus, frequenter inuitamus, ut fideles ipsi per deuotionis sinceritatem, & bonorum operum

operum



operum exercitium, abolita suorum delictorum macula, Diuina gratia promerenda reddantur aptiores. Cum itaq; sicut accepimus, dudum dilectus filius Didacus de Victoria, Frater cōuentus Sancti Pauli Burgel. Ordinis fratrum Prædicatorum, egregius uerbidei prædicator, zelo Diuini nominis permotus, ad cauēdos iuramentorum, & Blasphemiarum abusus, unā saluberrimā Confraternitatem sub uocabulo nominis Dei institui curauerit, cuius Confratrum partes potissimum essent, certa est regula super hoc cōposita, omni diligētia cauere, ne uel ipse, uel alij corā ipsis aliquo modo nisi ob causam grauissimā iuraret, & contrafaciētes modeste admoneret. Et qua Cōfraternitate in diuersis Ciuitatibus, & Oppidis Hispaniarum ritē instituta, & recepta, quamplurimi Christi fideles se illi cōscribi fecerint, quorum opera, & studio blasphemiarum, atq; periuria, & aliā illicita iuramenta prohibeantur. Cūq; eiusdem Cōfraternitatis salutaris fructus ubiq; sit manifestus, Venerabiles fratres Episcopi partium illarum, eā, quibus possunt, fauoribus promoueat. Nos ut dicta Cōfraternitas in maiori semper reuerētia habeatur, & Christi fideles eo libēius illā ingrediantur, quō ipsa amplioribus decorata spiritualium gratiarum donis, & Apostolicis fuerit suffulta prius legijs, de omnipotentis Dei misericordia, ac Beatorum Petri, & Pauli Apostolorum eius, auctoritate cōsili, omnibus & singulis dictæ Cōfraternitatis, ubiuis terrarum, & locorum, nūc, & pro tempore diffusæ, utriusq; sexus Cōfratribus in illa nūc, & pro tempore descriptis, ubilibet constitutis, siue sub eiusdem Confraternitatis regula prius edita, siue sub alia simili cōprehendantur, qui uerē penitentes, & cōfessi die festo Circūcisionis D. N. Iesu Christi, annis singulis, in perpetuum, sacrosanctum Eucharisticum sacramentum susceperint, & solemnitati per ipsam Confraternitatem dicto die festo ubiuis locorum, pro tempore, celebrati solita, in toto, uel in parte interfuerint, quoties id egerint, toties pro quolibet die festo huiusmodi plenariam omnium, & singulorum, ac quorumcumque peccatorum suorum Indulgentiam, remissionē, & absolutionem, prout in anno Iubilei Ecclesie almae Urbis, & extra illos muros ad id deputatas uisitibus cōcedi solet, auctoritate Apostolica tenore presentium, cōcedimus & largimur. Illis uerō dictæ Confraternitatis Confratribus, qui qualibet prima die Dominica cuiusq; mensis totius anni, similiter in perpetuum, ad Missam, quā ipsi Confratres audire tenentur, audiendam conuenerint, quotiescunque id egerint, decem annos, qui uerō temerē iurantem, aut aliā Diuinum nomen blasphemantem modeste, & charitatiuē, quando cumque admonuerit, pro qualibet uice centum dies, & cuiuscunque uerbi Dei prædicatori seculari, uel cuiusuis ordinis regulari, qui Christi fideles, ut à iuramentorum abusu caueant, & hanc dictæ Confraternitatis regulam



lam amplectantur, hortatus fuerit, decem annos, de iniunctis sibi pœnitentijs in forma Ecclesiæ consueta, misericorditer in Domino relaxamus. Et ut ipsi Cōfratres dictę Indulgētię plenarię Deo propitio facilius efficiantur participes, illis, & eorū singulis, Indulgentiam huiusmodi consequi uolentibus, ut dicto die festo Circūcisionis occurrente, quoscunque sibi bene uisos idoneos Presbyteros seculares, uel cuiusuis ordinis regulares, per Ordinariū loci approbādos in suos possint eligere Cōfessores, qui cōfessionibus ipsorum diligenter auditis, & eorum quemlibet, ab omni & quacunque excommunicationis, etiā maioris, & ab omnibus, & quibusuis alijs Ecclesiasticis sententijs, censuris, & pœnis, à iure, uel ab homine, aut mixtim, quauis occasione, uel causa latis, saluo tamen iure tertij, nec nō ab omnibus, & singulis, eorum peccatis, criminibus, excessibus, & delictis, quantūcunque grauibus, & enormibus, etiā locorū Ordinarijs, ac Sedi Apostolica referuatis, præterquā in Bulla die Cēnæ Domini legi consueta contentis, dicta auctoritate Apostolica absoluere, eisq; pro commissis pœnitentiā salutarem iniūgere, ac uota quæcumq; (Hierosolimitano, uisitationis liminum Beatorum Apostolorum Petri, & Pauli prædictorum de Vrbe, ac Iacobi in Compostella, necnon Castitatis, & Religionis uotis dumtaxat exceptis) in alia pietatis opera commutare ualeant, similiter auctoritate, & tenore præmissis perpetuò cōcedimus, & indulgemus, Mandantes uniuersis, & singulis Venerabilibus Fratribus nōstris Patriarchis, Archiepiscopis, & Episcopis, ac dilectis filijs ceteris Ecclesiarum Prælati, & locorum Ordinarijs, ubilibet constitutis, eorumque generalibus in spiritualibus Vicarijs, & officialibus, quod ubi, & quando opus fuerit, ac quoties pro Confratrum prædictorum parte fuerint requisiti, eidem Confraternitati prædictę pro posse faueant, fauorabiliter assistant, & illam promouere procurēt. Præsentibus, quas nunquā etiam per nos, aut alios Rom. Pont. successores nostros, uel Sedē præfatā, aut alios quoscunque, quomodo libet reuocari, suspendi, limitari, reduci, modificari aut eis in aliquo derogari posse, neque sub quibusuis illarū, aut similiū, uel dissimiliū, Indulgentiarū, & gratiarū reuocationibus, suspensionibus, alterationibus, modificationibus, limitationibus, derogationibus, aut alijs contrarijs dispositionibus, in genere, uel specie, per nos, uel successores nostros, aut Sedē, præfatos, seu quosuis alios, & ex quibuscunque, etiā urgentissimis, & necessarijs causis, etiā pro fabrica Basilicę Principis Apostolorū de Vrbe, Cruciatæ sanctæ, uel expeditione cōtra infideles, etiā ad Imperatoris, Regū, Reginarum, Ducum, Principum, uel aliorum instantiam, seu eorū contentatione, uel etiā Motu Proprio, & ex certa sciētia, ac alijs quomodo libet canonicè, uel de facto nūc, & pro tēpore, impositis, & factis, ulla

tenus



tenus unquam comprehensas, sed semper ab illis exceptas, & quoties illæ emanabunt, toties in pristinum, & ualidissimum statum restitutas, & de nouo concessas fore, ac censeri decernimus perpetuis futuris temporibus duraturas. Volumus autem quod si aliqua alia Indulgentia fuerit per nos in aliquo loco eidem Confraternitati concessa, præsentis quò ad locum huiusmodi nullæ sint. Dat. Romæ apud Sanctum Petrum Anno Incarnationis Dominicæ, Millesimo, Quingentesimo, Sexagesimo Quarto, Id. Aprilis. Pontificatus nostri anno Quinto.

Bulla S. D. N. D. Pij, Diuina Prouidentia Papæ Quarti. Super ordinatione, & promotione Doctorem, & aliorum cuiuscunque artis, & facultatis professorum de cætero obseruanda.

*TIVS EPISCOPVS, SERVVS SERVORVM DEI.*  
*Ad perpetuam rei memoriam.*

**I**NSACROSANCTA Beati Petri Principis Apostolorum Cathedra, meritis licet imparibus, hisce procellosis militantis Ecclesie tempestatibus constitutos, plurimum nos oportet esse sollicitos, ut Domini gregem, curæ nostræ commissum, non solum ab apertis rapacium luporum undequaque caulis obstrepentium insulubus, sed etiam à magis formidolosis pestiferarum vulpecularum domi latitantium insidiis per prouidum pastoralis officij ministerium, ipso Domino cooperante, præseruemus; ac illis omnes nocendi occasiones, quantum cum Deo possumus, ubilibet auferamus. Cum itaque iuxta notum Sanctissimi Vatis oraculum, Timor Domini, sine quo uera Religio, & Catholica fidei puritas nullibi reperitur, sapientiæ sit initium, & qui, uel in scientijs proficere, uel eas alios docere parant, supremum illum sapientiæ parentem, benignumque largitorem deuoto sane fidei obsequio demereri, ueraque sincere Religionis pietate sibi conciliare debeant. Idcirco hanc Fidei puritatem scientijs, doctrinisque quibuslibet tum tradendis, tum adipiscendis, tanquam necessariam basim, constitutere; & ne simplicia nonnullorum adolescentium, res nouas audiendi cupidorum, ingenia in naufragos blandientium hæreticorum scopulos imprudenter impingant, ecurrere cupientes, Motu proprio, & ex certa scientia nostra, ac de Apostolica potestatis plenitudine, quòd deinceps nullus Doctor, Magister, Regens, uel alius cuiuscunque artis,